

山西和順縣縣志

仁

典禮

讀詔

慶賀

監任

祭祀

迎春

送學

賓興

鄉飲

卷之三

重修和順縣志卷之三

典禮志

周禮太宗伯掌邦禮以佐王建保邦國建者立其基保者固其脉國於天地必有其立禮是也事必有禮而後陰陽和風雨時萬民効順建邦基而安保之裕如也

國家典章大備禮教昌明原於天理之節文若爲人事之儀則大而等威必辨小亦度數恭詳和雖山僻微區而幽明感格宣能外秩序之常經進退周旋奚徒拘儀文之末節詳求典則備載禮文於以見教親教讓不遺於僻壤窮鄉也志典禮

慶賀

萬壽聖旦及元旦長至節味爽知縣率僚屬具朝服詣行宮序立丹墀下排班班齊北向

龍牌前行三跪九叩首禮畢文武分東西班坐朝竣鄉

宦紳耆均叩祝作樂演劇畢朝散悉歸遇有皇詔至縣知縣率僚屬穿朝服具龍亭儀仗鼓樂出南關外跪接導至縣署大堂設香案行三跪九叩首禮詣受

詔位齋長開讀詔旨官紳士庶均跪聽讀畢復行三跪九叩首禮捧

詔書至內署設香案珍藏禮畢

牒任

新官至北城外拜門行一跪三叩首禮入城到公館擇吉穿
公服詣本署拜儀門畢換朝服拜印行三跪九叩首禮再望

闕謝

恩禮如初易服升堂受謁畢退與僚屬相見次日行香講書閱城

祭祀

文廟每春秋仲月上丁先一日知縣公服至

先師孔子神位前行禮上香三跪九叩首禮詣宰牲所一揖宰牲

領牲畢一揖復位行三跪九叩首禮回署祭日子夜先祭崇
聖祠行二跪六叩首禮昧爽鼓初嚴徧然庭燎鼓再嚴執事
者各序立鼓三嚴引贊生引各官至戟門外立通贊生贊司
事者各司其事糾儀生就位樂舞生就位陪祭官各就位承
祭官就位引贊引承祭官詣盥洗所司事者酌水盥手淨巾
復位瘞毛血迎神堂下樂作舞興奏咸平之章奏畢行三跪
九叩首禮樂奏寧平之章奏畢贊行初獻禮引贊引承祭官
詣酒尊所司尊者舉巹酌酒詣

先師孔子神位前跪獻帛初獻爵叩首興詣復聖顏子神位前跪

獻帛初獻爵叩首興詣宗聖曾子神位前跪獻帛初獻爵叩首興詣述聖子思子神位前跪獻帛初獻爵叩首興詣亞聖孟子神位前跪獻帛初獻爵叩首興詣讀祝文讀畢叩首興復位行亞獻禮樂奏安平之章奏畢引贊引承祭官詣神位前儀如初獻引贊各引分獻官詣十二哲暨兩廡先賢先儒位前跪奠帛獻爵畢各復位行終獻禮樂奏景平之章奏畢引贊引承祭官詣神位前儀如亞獻復位引贊引承祭官詣飲福受胙位跪飲福酒受福胙叩首興復位徹饌送神樂奏咸平之章奏畢行三跪九叩首禮畢司

帛者捧帛司爵者捧爵讀祝者捧祝各詣燎所望燎禮成而退
樂章祝文俱載祠視部

闕聖帝君廟祭祀儀注與文廟同
樂部章祝文俱載祠祀

文昌帝君廟祭祀儀注與文廟同
樂部章祝文俱載祠祀

社稷壇每歲春秋仲月上戊日質明知縣率僚屬具朝服集壇通

贊贊司事者各司其事主祭官就位陪祭官各就位引贊引

承祭官詣盥洗所司事者酌水盥手淨巾復位瘞毛血迎神
行三跪九叩首禮贊奠帛行初獻禮詣

社神神位前跪獻帛初獻爵叩首興詣

稷神神位前跪獻帛初獻爵叩首興復位贊讀祝文引贊引承祭
官詣讀祝位跪衆官皆跪讀祝文讀畢叩首興復位贊行亞
獻禮儀如初獻復位贊行終獻禮儀如亞獻禮復位贊飲福
受胙引贊引承祭官詣飲福受胙位跪飲福酒受福胙叩首
興復位贊徹饌送神行三跪九叩首禮畢司帛者捧帛司爵
者捧爵讀祝者捧祝恭送瘞所望瘞禮成而退

神祇壇先農壇雩祭儀注其社稷壇同

祝文詳祠祀部

邑厲壇每歲清明七月望十月朔致祭祭日知縣先詣
城隍廟神座前行二跪六叩首禮畢焚牒迎

城隍神於壇面向南左右設境內無祀鬼神位通贊贊

迎神行二跪六叩首禮畢贊獻爵承祭官詣神位前跪初獻爵亞獻爵三獻爵叩首興復位贊讀祝詣讀祝位跪讀祝文興復位贊送神行二跪六叩首禮僧會司陰陽學誦誦經卷畢奉城隍神還廟典史安神

呂祖廟每歲四月十四日致祭祭品用蔬菜知縣具蟒袍補褂行二跪六叩首禮

八蜡廟每歲五月十八日致祭屆期知縣具蟒袍補褂詣廟拈香行二跪六叩首禮

梁餘祠每歲五月初一日致祭行一跪三叩首禮

迎春

每歲立春前一日知縣具朝服率僚屬迎春於東郊詣芒神前行三跪九叩首禮畢偕僚屬回至大堂開春宴演劇報喜芒神土牛鼓樂前導昇奉公署儀門東土牛列芒神之前次日立春按立春時刻鞭春知縣具朝服率僚屬詣芒神前行三跪九叩首禮畢詣春牛所擊鼓者三執綵鞭擊土牛三匝禮畢

救護

每科鄉試前擇吉延赴試生員貢監設宴縣堂架登瀛橋結綵棚挿桂枝諸生公服至知縣率屬僚迎於堂簷下行禮畢就席知縣主席僚屬席東向諸生席西向酒三行樂作諸生起揖辭行過登瀛橋折桂花枝從儀門出鼓樂前導知縣率僚屬送南門外揖武科亦如之

鄉飲酒

每歲正月十五日十月初一日舉行知縣為主人先期具書速賓凡致仕官舉貢生監及民有齒德者咸得與至日主人及僚屬先詣明倫堂賓至主人率僚屬迎於庠門外賓入介

行四拜禮知縣拱答受二拜免二拜諸生出儀門鼓樂前導知縣隨後送入黌宮率諸生謁

至聖先師行三跪九叩首禮畢率諸生詣明倫堂行送學禮教官在東知縣在西再拜教官轉西知縣轉東再拜知縣命諸生拜謁教官行四拜禮諸生謝知縣行四拜禮俱受二拜免二拜次拜齋長等畢諸生分東西序立拜同年俱行再拜禮尋以次排坐賜茶聽訓畢樂作知縣起身向教官揖別諸生送出庠門外揖復反向教官肅揖而退

賓興

每科鄉試前擇吉延赴試生員貢監設宴縣堂架登瀛橋結
綵棚挿桂枝諸生公服至知縣率屬僚迎於堂簷下行禮畢
就席知縣主席僚屬席東向諸生席西向酒三行樂作諸生
起揖辭行過登瀛橋折桂花枝從儀門出鼓樂前導知縣率
僚屬送南門外揖武科亦如之

鄉飲酒

每歲正月十五日十月初一日舉行知縣為主人先期具書
速賓凡致仕官舉貢生監及民有齒德者咸得與至日主人
及僚屬先詣明倫堂賓至主人率僚屬迎於庠門外賓入介

衆從入主由東賓由西三揖至階三讓升堂行再拜禮畢請
賓即席延介衆賓皆即席監禮席於庭東北向賓席於堂西
北南向主人席於堂東西向介席於西南東向衆賓之長三
人席於賓席西南向東上皆專席不屬衆賓席於西序東向
僚佐席於東序西向教官一人為司正席於主人之東北向
律令案設於主介間正中九十者六豆八十者五豆七十者
四豆六十者坐五十者立司正揚觶致辭曰恭惟朝廷率由
舊章敬崇禮教舉行鄉飲凡我長幼各相勸勉為臣盡忠為
子盡孝長幼有序兄弟恭內睦宗族外和鄉黨毋或廢墜

以忝所生讀畢司正舉觶飲畢揖賓介以下皆揖司正復位
引贊引讀律令者詣案前北向立賓介以下皆跪聽讀律令
讀畢興復位獻爵賓主北向立執事者酌酒授主人主人執
爵置賓席前再拜賓答拜主人復位賓酢酒執事者酌酒授
賓賓執爵置主席前再拜主人答拜賓復位主人獻介介酢
主人如前儀執事於衆賓席以次酌酒訖樂作工升歌鹿鳴
卒歌南陔間歌魚麗乃合樂歌闕睢工告樂備排班望
闕謝恩行三跪九叩首禮畢賓在西階主人在東階再拜主人
率僚屬送賓介於庠門外禮成